



Broj: 06/3-50-1-76-25-5/11

Sarajevo 22.06.2011. godine

ZAPISNIK

25. sjednice Odbora za žalbe građana Parlamentarne skupštine Bosne i Hercegovine, održane 22.06.2011. godine

Dvadesetpetu sjednicu Odbora za žalbe građana Parlamentarne skupštine BiH sazvaio je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Hamida Karčić, Marijan Milićević - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nije prisustvovao Ermin Pešto.

Sjednici su, također, prisustvovali: Rasim Redo - Granična policija BiH i Fatima Miletić - Policijska misija Evropske unije.

Sjednica Odbora počela je u 11 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 24. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavki na rad pripadnika Granične policije BiH (izvjestioci: Hamida Karčić; Amela Bašić; Ermin Pešto);
3. Tekuća pitanja.

Na prijedlog g. Miletića, a imajući u vidu da je g. Ermin Pešto opravdano odsustvovao sa sjednice, članovi Odbora *jednoglasno* su odlučili da predstavke za koje je bio zadužen, razmatraju na narednoj sjednici. Nakon toga, *Dnevni red je jednoglasno usvojen.*

Ad.1. Usvajanje zapisnika sa 24. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 24. sjednice.

Ad.2. Razmatranje predstavki na rad pripadnika Granične policije BiH (izvjestioci: Amela Bašić; Hamida Karčić; Ermin Pešto)

Amela Bašić je, članovima Odbora, u kratkim crtama prezentirala predstavku broj: 05/2-50-1-76-25-1/11 od 13.06.2011. godine. Iako predstavka ne sadrži neke od osnovnih podataka da bi se po njoj postupalo, niti su navedene okolnosti na osnovu kojih bi se donio drugačiji zaključak, izvjestilac i Granična policija BiH su poduzeli sve da se slučaj ispita. U skladu s tim, članovi Odbora podržali su izvještaj Granične policije BiH dostavljen 21.06.2011. godine, te usvojili prijedlog izvjestioca i nadležne institucije da se predstavka uputi nadležnom organu, odnosno Upravi za indirektno oporezivanje.

Hamida Karčić podsjetila je članove Odbora na detalje predstavke broj: 05/2-50-1-76-24/11 od 26.05.2011. godine, te ih upoznala sa rezultatima dodatnih provjera i obavljenih konsultacija. Imajući na umu sve podatke, a na prijedlog gdje. Karčić, članovi Odbora su *jednoglasno* podržali Izvještaj Granične policije BiH kojim se predstavka odbacuje kao neosnovana.

Ad.3. Tekuća pitanja

Pod ovom tačkom Dnevnog reda, članovi Odbora razmatrali su predstavku broj: 05/2-50-1-76-25-2/11 od 16.06.2011. godine. U skladu sa ovlastima Odbora, datih mu Zakonom o nezavisnim i nadzornim tijelima policijske strukture BiH i Poslovníkom o radu Odbora za žalbe građana, članovi Odbora *jednoglasno* su donijeli Zaključak da predstavku uputi Graničnoj policiji BiH na dalje postupanje.

Sjednica Odbora za žalbe građana završena je u 12:00 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić